

VETUSTATE RELICTA

SEXTILI AESTUANTE MENSE

Frons stillis manat; findit canis aestifer arva;
Arboribus viridans lucus et umbra tepent.

Davidis, hic solus considens, cantica dico,
Dico quas ritus poscit et hora preces.

Truncо haerens tremulis squamis, oculata cicada
Immotum resonat, carmine laeta, nemus.

Vates spicarum, levat haec concentibus aestum
Terrea nil cupiens, ebria luce canit.

Paulum quid memet doceat vox ista, rependo:
Si sapias, caleas sisque cicada Dei.

JOSEPH DEL TON